

# Tecnologa da palpìri AFQ

## Tecnolog da palpìri AFQ

Druck, Papier

### Durada

3 onns

### Terminaziun

Eidgenössisches  
Fähigkeitszeugnis EFZ

### Indicaziuns davart il salari

1. onn d'emprendissadi: CHF 750–800.–
2. onn d'emprendissadi: CHF 950–1040.–
3. onn d'emprendissadi: CHF 1300.–
4. onn d'emprendissadi: CHF 1400.–

Tecnologas e tecnologs da palpìri AFQ produceschan palpìri e chartun a moda industriala. Els dirigian las maschinas basadas sin computers, surveglian la producziun, controlleschon la qualitat e mantegnan ils indrizs.

## Incumbensas

### Producir palpìri e chartun

- calcular las quantitads necessarias da la materia prima ed auxiliara che tutga tar la producziun da mintga palpìri e chartun che vegn producì
- preparar las materias primas per l'elavuraziun
- producir ina maschaida bletscha da cellulosa, materia auxiliara ed aua che vegn numnada en il linguatg professiunal buglia da fibras
- svidar la buglia da fibras en la maschina da palpìri, nua ch'il material vegn crivlà, smatgà, sientà e silsunter zuglià sin grondas rollas

### Raffinar ed emballar il palpìri

- examinar en il labor ch'il palpìri u il chartun saja sufficientamain resistent u haja la spessezza necessaria
- gulivar e megliar la surfatscha u cuvrir ella cun ina surtratga
- tagliar las rollas da palpìri en formats pli pratics ed las emballar

### Controllar e survegliar las maschinas

- nettegiar las maschinas cun nettegiaders a pressiuon auta e las endrizzar per la proxima producziun
- survegliar ils pass da lavur en la producziun ed eliminar immediat eventuals disturbis

- leger giu las datas mesiradas e las nudar en ils protocols
- dismetter il material che vanza a moda adattada a l'ambient

## Ambient da lavur

Tecnologs da palpiri lavuran en fabricas da palpiri e da chartun, però er en manaschis da furniziun sco per exempel en l'industria da chemia, da fieuter e da recicladi. Ultra da quai pon els vegnir engaschads da producents da maschinas da palpiri. Per gronda part vegn producì da di e da notg durant set dis l'emna. Perquai fan tecnologs da palpiri lavur da squadra. La purschida da plazzas d'emprendissadi è gronda.

## Pretensiuns e interess

### Pretensiuns

- Abilitad da s'adattar a novas tecnologias
- Abilitad da lavurar en in team
- Gronda toleranza da canera
- Moda da lavurar sistematica
- Chapientscha tecnica
- Resistenza corporala
- Inschign manual
- Senn per igiena e per nettezza

---

### Interess

- Schliar incumbensas tecnicas
- Lavurar cun taila, tgirom e palpiri
- Lavurar cun maschinas

## Scolaziun

### Manaschis

En ina fabrica da palpiri u da chartun en Svizra.

---

### Scola

2-3 blocs d'instrucziun da 4 fin 8 emnas en il Center da palpiri a Gernsbach, Germania. Ils custs per il viadi e l'alloschi surpiglia il manaschi d'emprendissadi.

## Durada

---

3 onns

## Cundiziuns d'admissiun

---

Temp da scola obligatoric terminà

## Maturitad professiunala

---

Fitg bunas prestaziuns da scola permettàn da frequentar durant u suenter la furmaziun fundamentala ils curs da la scola professiunala a Gernsbach, Germania. Il certificat è la premissa per pudair frequentar furmaziuns supplementaras a l'exteriur vischin.

## Titel da finiziun

---

- Tecnolog / Tecnologa da palpiri AFQ
- Certificat d'examen tudestg Tecnolog / Tecnologa da palpiri

## Furmaziun cuntinuonta

### Curs

Purschidas da l'agen manaschi sco era purschidas dal Center da palpiri a Gernsbach, Germania, u dal Center da furmaziun Steyrermühl, Austria.

En Svizra na datti nagina furmaziun supplementara per tecnica da palpiri. Numerusas pussaivladads datti dentant sin champs parentads sco la stampa, l'emballadi, la chemia, la gestiun, euv.

### Furmaziuns supplementaras a l'exteriur

- Maister / maistra d'industria direcziun elavuraziun da palpiri, producziun da palpiri u elavuraziun da materia sintetica al Center da palpiri a Gernsbach, Germania
- Tecnicist / tecnicista direcziun tecnica da palpiri en diversas scolas spezialisadas superiuras (SSS) en la Germania ed en l'Austria
- Inschigner diplomà / inschignera diplomada en tecnica da proceder cun approfondaziun en tecnica da palpiri a l'Universitad tecnica da Dresden
- Bachelor en tecnica da palpiri e proceder a la Scola auta spezialisada per ciencias applitgadas a Minca resp. a l'Universitad tecnica da Graz

# Professiuns sumegliantas

## Ulteriuras infurmaziuns

Swissdoc Nummer

TODO

Associaziun svizra dals patruns dals fabricants da palpiri ASPI

<https://spkf.ch/>

TODO

<https://www.becc.admin.ch/becc/public/bvz/beruf/show/33004?lang=de>